

COVID-19-ի Վերաբերյալ Ընթացիկ Պահանջները Աշխատակիցների Համար Լոս Անջելեսի Շրջանի Հանրային Առողջության Վարչություն

COVID-19-Ի ՀԱՄԱՎԱՐԱԿ ԾԱՌՈՒՆԱԿՈՒՄ Է ՎՏԱՆՁՆԵԼ ԱՇԽԱՏՈՂՆԵՐԻՆ ԵՎ ՀԱՄԱՅՆՔԸ:

Գործատուները պետք է լինեն զգոն և շարունակեն պաշտպանել իրենց աշխատակիցներին և համայնքը՝ հետևելով վարակի վերահսկման միջոցառումներին և Հանրային Առողջության Վարչությանը հաղորդելով COVID-19-ով վարակման դեպքերի մասին:

Այս փաստաթուղթն ամփոփում է ընթացիկ պահանջները, որոնց գործատուները պետք է շարունակեն հետևել՝ համաձայն նահանգի, շրջանի և տեղական օրենքների: Խնդրում ենք այցելել ստորև հղված կայքէջերը՝ պահանջների, ներառյալ ՀՏՀ-ների մասին ավելի մանրամասն տեղեկությունների համար:

ՊԱՀԱՆՋՆԵՐ

Լոս Անջելեսի Շրջանում աշխատող գործատուները պետք է հետևեն՝

1 Շրջանի Առողջության Պատասխանատուի Հրամանին (HOO)՝ ph.lacounty.gov/media/Coronavirus/reopening-la.htm#orders կայքէջում, և Անվտանգության Ապահովման և Առողջության Պատասխանատուի Հրամաններին Համապատասխանելու Բիզնես-Գործիքակազմին՝ ph.lacounty.gov/media/Coronavirus/business-verification.htm կայքէջում:

2 Cal/OSHA-ի Արտակարգ Իրավիճակների Ժամանակավոր Չափանիշներին (ETS)՝ dir.ca.gov/covid կայքէջում:

Լոս Անջելես Քաղաքում աշխատող գործատուներից կարող է պահանջվել նաև հետևել՝

3 Լոս Անջելես Քաղաքի Պատվաստման Հրամանագրին՝ ewddlacity.com/index.php/recovery/safepassla կայքէջում:
ՀՏՀ-ները հասանելի են ewddlacity.com/index.php/safepassla-faqs կայքէջում:

Խնդրում ենք նկատի ունենալ, որ պահանջների տարբերվելու դեպքում գործում են ավելի խիստ հրահանգները:

1 ՇՐՋԱՆԻ ԱՌՈՂՋՈՒԹՅԱՆ ՊԱՏԱՍԽԱՆԱՏՈՒԻ ՀՐԱՄԱՆԻ ՊԱՀԱՆՋՆԵՐԸ

Հաղորդել Աշխատավայրում COVID-19-ով Վարակման Դեպքերի Մասին

- Երբ որևէ բիզնեսի հայտնի է դառնում 14 օրվա ընթացքում իր աշխատակիցների (կամ տեղում անկախ պայմանագրային կամ ժամանակավոր աշխատողների) շրջանում COVID-19-ով վարակման երեք (3) կամ ավելի դեպքերի մասին, գործատուն (բիզնեսի սեփականատերը/կառավարիչը/կազմակերպիչը) պետք է այդ բռնկման մասին հաղորդի Հանրային Առողջության Վարչությանը՝ (888) 397-3993 կամ (213) 240-7821 հեռախոսահամարներով, կամ առցանց՝ <http://www.redcap.link/covidreport> հասցեով:

Երբ մեկ կամ ավելի աշխատակիցների, նշանակված կամ պայմանագրային աշխատողների կամ բիզնեսում աշխատող կամավորների թեստի արդյունքը դրական է կամ նրանք ունեն **COVID-19**-ին համապատասխան ախտանիշներ (վարակված անձ), գործատուն պետք է ունենա արձանագրություն՝ պահանջելու վարակված անձից մեկուսանալ տանը և պահանջելու նրա հետ սերտ շփում ունեցած բոլոր աշխատակիցներից պահպանել ինքնակարանտին, եթե ազատված չեն այդ պահանջից:



Դիմակներ

- Դիմակները պարտադիր են բոլոր անձանց համար (ներառյալ աշխատակիցները) փակ հանրային վայրերում, բիզնեսների տարածքում գտնվելիս և բացօթյա Մեգա Միջոցառումների (ավելի քան 10000 մասնակիցներով միջոցառումներ) ժամանակ: Հաստատությունների օրինակները, որտեղ պետք է կրել դիմակ, ներառում են (սակայն չեն սահմանափակվում դրանցով) մանրածախ առևտրի կենտրոնները, ռեստորանները, թատրոնները, բացօթյա համերգների վայրերը, ընտանեկան ժամանցի կենտրոնները, հավաքույթները և հանրությանը սպասարկող պետական և տեղական ինքնակառավարման մարմինների գրասենյակները: Խնդրում ենք նկատի ունենալ, որ այս պահանջներն ավելի խիստ են, քան Cal/OSHA-ի պահանջները և Նահանգի Ուղեցույցը, և անհրաժեշտ է հետևել այս պահանջներին:

Պատվաստումը սնունդ մատուցելու թույլտվություն ունեցող ցածր վտանգավորության վայրերի համար

- Ցածր վտանգավորությամբ պայմանավորված սնունդ մատուցելու թույլտվություն ունեցող գիշերային ակումբների, լաունջների, բարերի, գարեջրատների/ գործարանների, օղեգործարանների և գինետների/գործարանների աշխատակիցները պետք է լիովին պատվաստված լինեն COVID-19-ի դեմ: Հաճախորդները, որոնք սպասարկվում են այդ բիզնեսների փակ տարածքներում, պետք է մուտք գործելուց առաջ նաև ներկայացնեն COVID-19-ի դեմ լիովին պատվաստման ապացույց:

Պատվաստումը/Թեստավորումը Մեգա Միջոցառումների համար

- Փակ Մեգա Միջոցառումների (1000-ից ավել մասնակիցներով փակ միջոցառումներ) և բացօթյա Մեգա Միջոցառումների (10000-ից ավել մասնակիցներով բացօթյա միջոցառումներ) հաճախորդները պետք է ներկայացնեն COVID-19-ի դեմ լիովին պատվաստման ապացույց կամ վիրուսային թեստի բացասական արդյունք, որն արվել է միջոցառմանը նախորդող 2 օրվա ընթացքում (ՊՇՌ՝ PCR, թեստ) կամ 1 օրվա ընթացքում (հակազենի թեստ):

2 CAL/OSHA-Ի COVID-19-Ի ԱՐՏԱԿԱՐԳ ԻՐԱՎԻՃԱԿՆԵՐԻ ԺԱՄԱՆԱԿԱՎՈՐ ՉԱՓԱՆԻՇՆԵՐԸ

Գործատուները պետք է ունենան COVID-19-ի Կանխարգելման Գրավոր Ծրագիր, որը պետք է ներառի՝

- Աշխատակիցների վերապատրաստում և հրահանգներ COVID-19-ի վտանգների վերաբերյալ,
- Աշխատակիցների ախտանիշների ստուգման գործընթաց,
- Աշխատակիցների հասանելիություն COVID-19-ի թեստավորմանը,
- Աշխատավայրում COVID-19-ով վարակման դեպքերին արձագանքելու ծրագիր,
- Աշխատակիցների դիմակ կրելու վերաբերյալ արձանագրություն,
- Աշխատավայրում COVID-19-ով վարակված անձանց չընդունելու ծրագիր, քանի դեռ չեն բավարարվել աշխատանքի վերադառնալու չափանիշների պահանջները:

Դիմակներ՝

- Գործատուները պետք է չպատվաստված աշխատակիցներին տրամադրեն առնվազն երկու շերտից կազմված դիմակներ: ԽՆԴՐՈՒՄ ԵՆՔ ՆԿՍՏԻ ՈՒՆԵՆԱԼ, որ Շրջանի Առողջության Պատասխանատուի Հրամանի համաձայն, բոլոր աշխատակիցները՝ անկախ պատվաստման կարգավիճակից, պետք է դիմակ կրեն փակ տարածքներում և ընդհանուր փոխադրամիջոցում աշխատելիս կամ բացօթյա Մեգա Միջոցառումների ժամանակ:
- Գործատուները չպետք է վատ վերաբերվեն իրենց աշխատակիցներին կամ խոչընդոտեն որևէ աշխատակցի դիմակ կրելուն:

Անձնական Պաշտպանիչ Հանդերձանք

- N95 շնչառական սարքերի օգտագործումը կամավոր է, սակայն գործատուները պետք է պահանջ լինելու դեպքում դրանք տրամադրեն յուրաքանչյուր աշխատակցի, որը լիովին պատվաստված չէ: N95 շնչառական սարքերը պետք է համապատասխանեն աշխատակցին, և աշխատակիցը պետք է ստանա շնչառական սարքը պատշաճ կրելու և դեմքին հարմարեցնելու վերաբերյալ հիմնական ցուցումներ:



- N95 շնչառական սարքերը պետք է փոխարինվեն վնասվելու, ձևափոխվելու, կեղտոտվելու դեպքում կամ, երբ նրանցով դժվար է շնչելը:
- CDC-ն հորդորում է փոխարինել N95 շնչառական սարքերը 5 անգամ օգտագործելուց հետո:

Ձեռքերի Հիգիենա

- Խրախուսեք աշխատակիցներին լվանալ ձեռքերը և ժամանակ տրամադրեք դրա համար: Աշխատակիցներին տրամադրեք ձեռքերի ախտահանիչ միջոցներ, որոնք հաստատված են:

Օդափոխություն

- Գործատուները պետք է գնահատեն օդափոխության համակարգերի վիճակը՝ դրսի օդը առավելագույնի հասցնելու և գտնան արդյունավետությունը բարձրացնելու համար, ինչպես նաև օդի մաքրման լրացուցիչ համակարգերի կիրառումը գնահատելու համար:

COVID-19-ի Թեստավորման Արձանագրություն

- Առաջարկեք անվճար թեստավորում աշխատանքային ժամերին յուրաքանչյուր աշխատողի, որը կարող էր վարակված լինել COVID-19-ով աշխատավայրում:

Աշխատողներին Վճարելու և Նրանց Բացակայելու Իրավունքները

- Պահպանեք աշխատակիցների աշխատավարձերը, վաստակած գումարները, ինչպես նաև նրանց իրավունքներն ու նպաստները և շարունակեք վճարել դրանք, եթե նրանցից պահանջվում է բացակայել աշխատավայրից, քանի որ նրանք կամ վարակված են COVID-19-ով, կամ աշխատավայրում շփվել են COVID-19-ի վարակակրի հետ:

COVID-19-ի Բռնկման Մասին Հաղորդելու և Մեղմացման Պահանջները

- Հաղորդեք աշխատավայրում COVID-19-ով վարակման դեպքերի և բռնկումների մասին տեղեկությունները տեղական առողջապահական բաժանմունքին և տրամադրեք COVID-19-ի բռնկման վերաբերյալ ցանկացած տեղեկատվություն, որը պահանջվում է տեղական առողջապահության բաժնի կողմից:
 - Երբ **աշխատավայրում կան աշխատակիցների COVID-19-ով վարակման 3 կամ ավելի դեպքեր**, գնահատեք ֆիզիկական հեռավորությունն ապահովելու և արգելապատնեշներ տեղադրելու անհրաժեշտությունը աշխատակիցների, ինչպես նաև աշխատակիցների և հանրության միջև:
 - Երբ կան **աշխատակիցների COVID-19-ով վարակման 20 կամ ավելի դեպքեր**, որը հանդիսանում է խոշոր բռնկում, գործատուները պետք է անմիջապես՝
 - Հասանելի դարձնեն թեստավորումը վարակակրի հետ շփված անձանց խմբի բոլոր աշխատակիցների համար՝ անկախ պատվաստման կարգավիճակից, շաբաթը երկու անգամ կամ ավելի հաճախ, եթե դա հորդորվում է տեղական առողջապահական բաժանմունքի կողմից:
 - Ապահովեն ֆիզիկական հեռավորություն և տեղադրեն արգելապատնեշներ բոլոր աշխատակիցների համար՝ անկախ պատվաստման կարգավիճակից:
 - Բոլոր աշխատակիցներին առաջարկեն կամավոր օգտագործման համար շնչառական սարքեր՝ անկախ պատվաստման կարգավիճակից և առանց սպասելու աշխատակցի պահանջին:

3 ԼՈՍ ԱՆՋԵԼԵՍ ՔՐԱՂԱՔԻ ՊԱՏՎԱՍՏՄԱՆ ՀՐԱՄԱՆԱԳՐԻ ՊԱՀԱՆՋՆԵՐԸ

Պատվաստման կարգավիճակի ստուգում

- Լոս Անջելես Քաղաքում գործող որոշ բիզնեսներից (տե՛ս ստորև) պահանջվում է ստուգել իրենց բիզնեսի փակ տարածքներ մուտք գործող հաճախորդների՝ COVID-19-ի դեմ լիովին պատվաստված լինելը: Պատվաստման պահանջը չի տարածվում աշխատակիցների վրա:



Ցուցանակ

- Այն բիզնեսները, որոնք ենթակա են Պատվաստման Հրամանագրին, պետք է տեղադրեն ցուցանակ՝ հաճախորդներին պատվաստման պահանջի մասին իրազեկելու համար:

Լոս Անջելես Քաղաքի Պատվաստման Հրամանագրին Ենթակա Բիզնեսները

Պատվաստման Հրամանագիրը վերաբերում է Լոս Անջելես Քաղաքում գործող հետևյալ բիզնեսներին.

- Մնուհդ և ըմպելիքներ մատուցող հաստատություններ, ներառյալ ռեստորաններ, բարեր, արագ սննդի կետեր, սրճարաններ, ճաշարաններ, սննդի բաժիններ, հանդիսությունների սրահներ և հյուրանոցների պարասրահներ.
- Մարզասրահներ և ֆիթնես կենտրոններ.
- Ժամանցի և հանգստի վայրեր, ներառյալ առևտրի կենտրոններ, կինոթատրոններ, բոուլինգի սրահներ, խաղային ավտոմատներով սրահներ (arcades), թղթախաղի սրահներ, ընտանեկան ժամանցի կենտրոններ, խաղահրապարակներ, կենդանի ներկայացումների վայրեր, առևտրային միջոցառումների և երեկույթների վայրեր, մարզական միջոցառումների սրահներ, համաժողովների կենտրոններ, ինչպես նաև ցուցասրահներ և թանգարաններ.
- Անձնական խնամքի հաստատություններ.
- Քաղաքապետարանի ներքո գործող փակ հաստատություններ, ներառյալ Քաղաքապետարանի շենքը, ծերանոցներ, հանգստի կենտրոններ և ծառայությունների մատուցման կենտրոններ.
- Բացօթյա միջոցառումների վայրեր՝ 5000-9999 մասնակիցներով, այն պայմանով, որ այդ վայրերը պատվաստման ապացույցի փոխարեն կարող են ընդունել COVID-19-ի թեստի բացասական արդյունք, որն արվել է մուտքից առաջ 72 ժամվա ընթացքում:

i ՀԱՎԵԼՑԱԼ ՏԵՂԵԿՈՒԹՅՈՒՆՆԵՐԻ ՀԱՄԱՐ

Cal/OSHA: COVID-19-ի, ջերմային հարվածի հետևանքով առաջացող հիվանդությունների կանխարգելման և աշխատավայրում անտառային հրդեհների ծիլից պաշտպանվելու կամ սովորական աշխատանքային ժամերին Cal/OSHA-ի երկլեզու ներկայացուցչի հետ խոսելու համար խնդրում ենք զանգահարել 833-579-0927 հեռախոսահամարով:

Լոս Անջելեսի Շրջանի Հանրային Առողջության Վարչություն: Հարցերի դեպքում խնդրում ենք դիմել մեր Արդյունաբերության Ներգրավման (Industry Engagement) Ծրագրին՝ (626) 430-5320 հեռախոսահամարով:

Լոս Անջելես Քաղաք: Հարցերի, մտահոգությունների կամ օգնության համար ուղարկեք էլեկտրոնային նամակ EWDD-ի Բիզնեսի Արձագանքման Բաժին՝ lbusinesresponse@lacity.org հասցեով: Խնդրում ենք ստուգել [Հաճախ Տրվող Հարցերի](#) ցանկը՝ ընդհանուր մտահոգությունների և հարցումների համար: